

Starfslýsing yfirlæknis smitsjúkdómalækninga

Nafn: Magnús Gottfreðsson.

Kennitala: 280565-4909.

Starfsheiti: Yfirlæknir smitsjúkdómalækninga.

Næsti yfirmaður: Framkvæmdastjóri lækninga annars vegar og sviðsstjóri hins vegar.

Afleysing: Tilgreindur sérfræðilæknir í smitsjúkdómum.

Tilgangur: Að stjórna smitsjúkdómalækningum á LSH og leiða læknisfræðileg málefni innan sérgreinarinnar. Hann tekur þátt í ákvörðunum um að ráða starfsmenn til sérgreinarinnar í samráði við handhafa ráðningarvalds. Hann skipuleggur vinnufyrirkomulag innan sérgreinarinnar í samræmi við mönnun, markmið um þjónustu, rekstur og fjárhagsramma.

Ábyrgð: Yfirlæknir smitsjúkdómalækninga ber ábyrgð gagnvart framkvæmdastjóra lækninga á lækningum, læknisfræðilegum rannsóknum, ráðgjöf og þjónustu við sjúklinga í sinni sérgrein og á annarri þeirri starfsemi sem honum er falin. Hann hefur ásamt hjúkrunardeildarstjóra eftirlit með starfsemi sjúkradeildar og ber ásamt honum fjárhagslega ábyrgð gagnvart sviðsstjóra á að rekstur sé ávallt í samræmi við gerðar áætlanir. Hann ber ábyrgð á kennslu og starfsþjálfun sinna starfsmanna og nemenda í samræmi við ákvæði samninga LSH við kennslustofnanir. Hann hvetur jafnframt til fræðilegra rannsókna.

Verksvið: Yfirlæknir stjórnar lækningum innan sérgreinarinnar og þeirri starfsemi sem undir hann heyrir. Hann skipuleggur störf undirmanna sinna, skipuleggur lögbundnar og samningsbundnar fjarvistir þeirra þannig að starfsemin raskist svo lítið sem kostur er. Yfirlæknirinn sinnir starfsmannamálum sérgreinarinnar s. s. reglulegum starfsmannasamtölum öðrum en þeim sem beint heyra undir sviðsstjóra. Hann gerir áætlanir um starfsemi sérgreinarinnar í samráði við sviðsstjóra. Yfirlæknir skipuleggur lækniþjónustu sérgreinarinnar, ráðgjöf við aðrar sérgreinar og deildir og þjónustu á sviði rannsókna. Hann byggir upp og skipuleggur þjónustu við sjúklinga á göngudeild. Ásamt hjúkrunardeildarstjóra sjúkradeildar skipuleggur hann og samhæfir starfsemi sjúkradeildarinnar í samráði við sviðsstjóra. Hann samræmir störf lækna og annarra starfsmanna sem undir hann heyra. Yfirlæknirinn sér til þess að starfsemin lúti þeim lögum, reglum og leiðbeiningum sem um hana gilda og hefur frumkvæði að gerð og notkun klínískra leiðbeininga á sínu sérsviði. Hann hefur frumkvæði að því að veita ávallt þjónustu af hæsta gæðaflokki og innleiða læknisfræðilegar nýjungar sem til framfara horfa, en jafnframt að reka starfsemina á sem hagkvæmastan og skilvirkastan hátt. Hann beitir sér fyrir samstarfi við aðrar sérgreinar.

Reykjavík, 15. júní, 2007

Magnús Gottfreðsson
yfirlæknir smitsjúkdómadeildar

Jóhannes M. Gunnarsson
framkvæmdastjóri lækninga

